

Na osnovu člana 19. stav (6) Zakona o putnim ispravama Bosne i Hercegovine ("Službeni glasnik BiH", br. 4/97, 1/99, 9/99, 27/00, 32/00, 19/01, 47/04, 53/07, 15/08, 33/08, 39/08 I 60/13), Ministarstvo civilnih poslova Bosne i Hercegovine donosi

**UPUTSTVO  
O IZMJENAMA I DOPUNAMA UPUTSTVA O  
POSTUPKU, CIJENI I NADLEŽNOSTI ORGANA ZA  
IZDAVANJE PUTNIH ISPRAVA U ROKU KRAĆEM OD  
PROPISANOG**

Član 1.

(Rješavanje zahtjeva)

(1) U članu 2. stav (2) Uputstva o postupku, cijeni i nadležnosti organa za izdavanje putnih isprava u roku kraćem od propisanog iza riječi: "48 sati" stavlja se zarez i dodaje tekst: "ako je zahtjev podnesen u Bosni i Hercegovini, odnosno 7 dana ako je zahtjev podnesen u Diplomatsko-konzularnom predstavništvu Bosne i Hercegovine u inostranstvu,".

(2) U istom članu iza stava (4) dodaje se stav (5) koji glasi:

"(5) Nadležni organi za izdavanje putne isprave, omogućit će strankama podnošenje zahtjeva za izdavanje putne isprave u roku kraćem od propisanog odmah nakon što podnesu zahtjev za izdavanje lične karte."

Član 2.

(Cijena putne isprave)

U članu 4. stav (2) iza riječi "200 KM" tačka se zamjenjuje zarezom i dodaje tekst: "a cijena putne isprave izdate u Diplomatsko-konzularnom predstavništvu Bosne i Hercegovine u inostranstvu iznosi 250 € (eura)."

Član 3.

(Stupanje na snagu)

Uputstvo o izmjenama i dopunama Uputstva o postupku, cijeni i nadležnosti organa za izdavanje putnih isprava u roku kraćem od propisanog stupa na snagu osmog dana od dana objavljivanja u "Službenom glasniku BiH".

Broj 06-2-30-4-29/13  
16. decembra 2013. godine

Ministar  
Mr. **Sredoje Nović**, s. r.